

МЕҲР ВА ҚАДР БОР ЕРДА ҲАММА НАРСА БОР

Тирик, мағрур, ҳақ сўз қуролимиз бўлсин!



2023 йил—Инсонга эътибор ва сифатли таълим йили

Ассалому алайкум, азиз муштарий!

ЎСТИҚВОЛ ҲОҲИ

Қўштепа туманининг ижтимоий-сиёсий, маънавий-маърифий газетаси

Ватан ягонадир,
Ватан биттадир

1943 йил 6 мартдан чиқа бошлаган

www.istiqbolyuli.uz

istiqbol.43@umail.uz

2023 йил 6 феврал № 5 (8447)

Муҳим ахборотлар

Ахборот 2023

"GLOBAL TEXTILE INFINITY" КЛАСТЕРИНИНГ ТЎҚИМАЧИЛИК КОРХОНАСИГА ТАШРИФ

Туркиянинг жануби-шарқий қисмидаги вилоятларда юз берган кучли zilзила оқибатида кўплаб одам қурбон бўлгани ва жиддий жароҳат олгани, катта талафотлар кўрилгани муносабати билан Ўзбекистон Президенти Шавкат Мирзиёев Туркия Президенти Режеп Таййип Эрдоғанга ҳамдардлик йўллади.

2022–2026 йилларга мўлжалланган Янги Ўзбекистоннинг тараққиёт стратегиясини "Инсонга эътибор ва сифатли таълим йили" да амалга оширишга оид Давлат дастури тўғрисидаги Ўзбекистон Республикаси Президенти Фармони лойиҳаси кенг жамоатчилик муҳокамаси учун эълон қилинди.

"Тараққиёт стратегияси" маркази барча фуқаролардан 2023 йилда Давлат дастури лойиҳасининг муҳокамасида фаол иштирок этиб, мамлакатимиз тараққиётига хизмат қиладиган таклифларни Марказнинг махсус 2023.strategy.uz ҳамда davlatdasturi.uz порталлари ёки ижтимоий тармоқлардаги @dscuzbekistan ва @YangiTaraqqiyotStrategiyasi телеграмм каналлари орқали билдиришларини сўраб қолади. Муҳокамалар 2023 йилнинг 6 февралдан 17 февралгача давом этади.

Президент Шавкат Мирзиёев шу йилнинг 2 феврал куни туманимизга ташриф буюриб, "Global textile infinity" кластерининг тўқимачилик корхонаси билан танишди ҳамда водий вилоятларида пахта-тўқимачилик саноатини ривожлантириш чора-тадбирлари юзасидан йўғилиш ўтказди.



Президент 2022 йил май ойида вилоятга ташрифи чоғида "Global textile infinity" кластерининг ишлаб чиқариш лойиҳаси билан танишган эди. Ушандаги кўрсатмалар асосида лойиҳа жадаллаштирилиб, декабрда ишга туширилди. Бу галги ташрифда ҳам мазкур тўқимачилик корхонаси кўздан кечирилди. Бу ерда пахта етиштириш ва уни қайта ишлашнинг тўлиқ жараёни йўлга қў-

тилган. 132 миллион евро эвазига катта фабрика ташкил этилган, у йилига 18 миллион метр аралаш мато ҳамда 10 миллион дона тайёр маҳсулот ишлаб чиқариш қувватига эга. Европа давлатлари ва Хитойга 85 миллион евролик маҳсулот экспорт қилиш режалаштирилган. Ушбу кластер мажмуасида водий вилоятларида пахта-тўқимачилик саноат-

тини ривожлантириш масалалари бўйича йўғилиш ўтказилди. Пахта ҳосилдорлигини ошириш, ип-калавани чуқур қайта ишлаб, тайёр маҳсулотларни кўпайтириш бўйича кўрсатмалар берилди. Водий вилоятларида тўқимачилик маҳсулотлари экспортини жорий йилда 2,5 миллиард долларга етказиш имконияти борлиги таъкидланди. **У.А.**



Бугун-чи? Шу кунларга етказганига беҳисоб шукроналар айтсак, арзийди. Менинг назаримда, бевосита Президентимиз ташаббуслари билан қишлоқ хўжалигига кластер тизимининг кириб келиши соҳада чинакам инқилобий ўзгариш ясади. Кластернинг шарофати билан пахтачиликда туманимизнинг ўзида кейинги беш йилда ҳосилдорлик 27 центнердан салкам 33,5 центнерданга кўтарилди. Узи эгалик қиладиган ери билан "тил-

лашаётган", юракдан чиқариб меҳнат қиладиган фермерлар қатор-қатор техникалар сотиб олишяпти, бугун улар алмисоқдан қолган "улов"ларда эмас, замонавий автомашиналарда юришибди, эҳтиёжмандларни қўллаб-қувватлашяпти, қишлоқлар ободончилигига ҳисса қўшишяпти. Айни шу кластер туфайли Қўштепада ҳам саноат ишлаб чиқариши йилма-йил ривожланиб борапти. Чекка ҳудуд ҳисобланган Солижонбодда қишин-ёзин 400 одамни иш билан банд қиладиган пахта тозалаш заводи ишга тушди, ҳудуднинг қиёфаси мутлақо замонавий тус олди. Мана энди Президентимиз 2 феврал куни ташриф буюрган "Global textile infinity" корхонаси бунёд этилиб, шу кунларда 1,5 минг иш ўрни яратилганига қойил қолмай бўладими?! Пахта

хом ашёсидан тола, мато ва ниҳоят, тайёр маҳсулот ишлаб чиқарадиган корхонада яқин келажақда 3000 иш ўрни яратилади! Яқин ўтмишда буни орзу ҳам қила олмаганмиз. —Қўштепалар ҳам яхши яшашга ҳақли,—дейдилар Давлатимиз раҳбари ташриф чоғларида. Афтидан у киши бизнинг яқин ўтмишдаги турмушимизни яхши билганлар. Бугун тадбиркорлик ҳаракати, саноат ишлаб чиқариши тараққий этиб бораётгани учун туманимиз маркази ҳам тобора кўркамлашиб бораётганини ҳаммамиз кўриб-билиб турибмиз. Бири-бирдан гўзал бинолар, "Обод қишлоқ" дастури доирасида замонавий қиёфа кашф этаётган мактаб, мактабгача таълим, тиббиёт муассасалари, текис асфалт йўллар, одамларнинг уй-жой шароитларини яхшилаб бо-

раётгани, сервис хизматлари маданияти кунба-кун ривожланаётгани ҳаммани ҳам мамнун этаётганига иймоним комил. Шу тумanning бир фуқароси сифатида Президентимиз суҳбатларини тинглаб, олдимизга қўяётган вазифаларни идрок этиб, ёш, ҳаракатчан ҳокимимиз бошчилигида халқимиз баланд кайфият ва улуғ ниёт билан аниқ мақсад сари олға қараб интилавверса, яқин келажақда Қўштепамиз нафақат вилоятда, балки бутун мамлакатда иқтисодий бақувват, ижтимоий тараққий этган ҳудудларга айла-нишига ишонч ҳосил қилдим. **Исроилжон ИСМОИЛОВ,** вилоят ҳокимининг қишлоқ хўжалик масалалари бўйича жамоатчи маслаҳатчиси, меҳнат фахрийси.

Ифтихор

ИНҚИЛОБИЙ ЯНГИЛАНИШ ШАРОФАТИ

Ёшим саксонни қоралаб боряпти. Бошқарув, қишлоқ хўжалиги, маҳалла тизимларида меҳнат қилдим. Туманимизнинг яқин ўтмишига назар ташлаб, юракларим оғриб кетади. Айниқса, асосий тармоқ

ҳисобланган қишлоқ хўжалигида йил—ўн икки ой машаққатли меҳнат қилган деҳқоннинг кўксига офтоб тегиши жуда қийин кечарди. Аграр тумanning аҳволи ҳам шунга яраша эди-да.

УШБУ
СОНДА:

2 * Алишер Навоий таваллудининг 582 йиллигига
* Халқчиллик ва касбий ривожланиш йўлидамиз

3 * Қўштепанинг Муҳаббати
* Эълонлар
* Юрак-қон томир касалликлари

4 * Сабоқ бекати
* Навоий ҳикматларидан
* Ақл-ақлдан қувват олар
* Билиб қўйган маъқул



Алишер Навоий таваллудининг 582 йиллигига

"НАФЪИНГ АГАР ХАЛҚҚА БЕШАК ДУРУР"...

Миллий адабиётимиз шарафини беқиёс даражада юксалтирган мутафаккир шоир, буюк сўз санъаткори Алишер Навоийнинг асрлар оша ўз аҳамиятини йўқотмай келаётган асарлари ҳар бир даврга хос теран мазмун ва маънога эгаллиги билан башариятни ҳайратга солиб келмоқда. Унинг бирон-бир мисраси йўқки, абадиётга дахлдор бўлмас. Қуйида ғазал мулкининг султони қолдирган улкан маънавий меъросга ана шу нуқтаи назарда тўхталиб ўтамиз.

Ҳазрат Навоийнинг тил билиш заруриятига қаратилган ушбу байтига эътибор беринг:

Ибрию юношию сурёни ҳам, Ҳинду агар сўрса, билиб они ҳам.

Улуғ шоир бу билан баркамол авлод кўп тилни билиши даркорлигини уқтиради. Бугунги кунда Ўзбекистонда тил ўрганиш соҳасида бемисл имкониятлар яратилаётгани, ёшларимизнинг бу борадаги интилишлари тил масаласининг ҳамон долзарблигидан дарак беради.

Миллатлараро тотувлик давримизнинг энг муҳим масалаларидан бири бўлиб келмоқда. Навоий турли миллат ва диний эътиқодга мансуб элларнинг бирдамлигини мадҳ этиб шундай ёзади:

Кўнгулни олса малоҳат била тафтовут йўқ, Хитойи ўлсини армани ва ё ҳинд.

Шунингдек, буюк бобокалонимиз ижодида шукр қилиб яшаш ғоясига кенг ўрин берилган. Қитъаларининг бирида икки кишининг ҳолати-

ни: "Биров келяпти—оёғига кийгани калиши йўқ, иккинчиси келяпти—оёғининг ўзи йўқ," деб тасвирлаш орқали моҳирона ишора ила шукрга ундайди. "Ҳайрат ул аброр" асарида бу ғоя, айниқса, чуқурлаштириб берилган:

Бир анинг неъматига шукр эрур, Кимсаки шукр айласа, кўпрак берур

Шоирнинг ўлмас асарларида ҳалол меҳнат комил инсонга хос фазилатлар қаторида мадҳ этилади. Кишининг ўзи ишлаб топган бир дирҳами бировнинг "ганж"идан яхшироқ эканини қуйидагича ифодалайди:

Бир дирам олмоқ чекибон дастранж, Яхшироқ андинки биров берса ганж.

Навоий асарларида, хусусан "Хамса" асарида инсониятнинг етакчи омили бировларга яхшилик қилиш эканлиги кўп бор қайд этилади. Кимки, ўзгаларга яхшилик қилиш, ёрдам беришни одат қилган бўлса, бундан ўзига кўпроқ наф қилиши қуйидагича англатилади:

Нафъинг агар халққа бешак дурур, Билки нафъ ўзинга кўпрак дурур.

Даҳо шоир ўзининг барча улуғвор байтларига хос ўз сўзига аввало ўзи амал қилиб ҳаёт кечирганлиги бизга тарихдан яхши маълум. Навоий умр бўйи етим-есир, бева-бечора, муҳтож ва ногиронларга меҳр-мурувват кўрсатиб келган, ҳалқнинг эҳтиёжини кўзлаб ўз ҳисобидан мактаб-у мадраса, ши-фоҳоналар, йўл ва кўприклар барпо қилган, боғ-роғлар яратган. Илм-фан ва маданият аҳлининг ҳақиқий ҳомийси бўлган беназир зот бор мол-мулкни эл-юрт равнақи йўлида сарфлаб шундан таскин топган. Чинакам элпарвар аждодимиз Мир Алишер Навоийнинг ўлмас асарлари бебаҳо адабий мерос, эзгу ишлари эса биз, авлодларга катта ибрат мактаби бўлиб қолади.

Муҳаббатхон МУРОДОВА,
6-умумтаълим мактабининг она тили ва адабиёт



Жараён

АМАЛИЙ ВА ФОЙДАЛИ ТАКЛИФЛАР

Ўзбекистон Миллий кутубхонаси директори Умида Тешабоева ҳамда ахборот-кутубхона ресурсларини шакллантириш бўйича директор ўринбосари Собиржон Жампўлатовлар туманимизда бўлиб, ахборот-кутубхона марказимиз иш фаолияти билан атрофлича танишдилар. Маърифат ўчоғимизга ажратилган бино, унинг жиҳозланиши, моддий-техника базаси, китобхоналарга хизмат кўрсатиш даражаси ўрганилиб, мутахассисларимизга китобхоналар сафини кенгайтириш, янги китоблар тақдимотларини ташкил этиш, устоз ва ёш ижодкорлар билан учрашувлар уюштириш, китобларни сақлаш, уларнинг "умрини узайтириш" юзасидан услубий-амалий кўмак ва маслаҳатлар бердилар.

Шунингдек, ахборот-кутубхона марказида тумандан чиққан таниқли шоир ва ёзувчилар, бошқа ижодкорлар, улар яратган асарлар, муқаддас қадамжолар ҳақидаги маълумотларни китобхоналарга кўринарли жойларга илиб қўйиш, кўп нусхали китобларни маҳаллалардаги кутубхоналарга тақдим этиш юзасидан билдирилган таклифлар биз учун ҳам фойдали бўлди.

Жараёнда туман ҳокимининг ўринбосари Акмалжон Юсупов иштирок этди.

Ғолибжон МҶМИНОВ,
туман ахборот-кутубхона маракази директори.



Янги кодекс кучга кирди

ХАЛҚЧИЛЛИК ВА КАСБИЙ РИВОЖЛАНИШ ЙЎЛИДАМИЗ

Юрт тинчлиги, осойишталиги энг долзарб масала бўлиб турган бугунги кунда бизнинг тизимда амалга оширилаётган ислохотлар мазмун-моҳияти нафақат чора-тадбирлар узвийлиги, балки соҳада фаолият юритаётган ходимларнинг профессионаллик салоҳиятини оширишга қаратилгани билан аҳамиятли бўлмоқда. Ўзбекистон Республикаси Президентининг 2023 йил

20 январдаги "Ички ишлар органларини халқчил профессионал тузилмага айлантириш ва аҳоли билан янада яқин ҳамкорликда ишлашга йўналтириш бўйича қўшимча чора-тадбирлар тўғрисида"ги қарори билан тасдиқланган Ички ишлар органлари ходимларининг касбий маданият ва хизмат интизоми кодекси фикримизга далилдир.

Ички ишлар органларини аҳолининг ишончли ҳимоячиси сифатида халқчил тузилмага айлантириш, уларнинг фуқаролар, давлат ташкилотлари ҳамда кенг жамоатчилик билан яқин ҳамкорликда ишлашини таъминлаш мақсадида қабул қилинган ушбу кодекснинг асосий йўналишлари соҳа вакилларини юксак маънавий-ахлоқий фазилатларга эга этиб тарбиялаш, хизмат вазифаларига ҳалол, юксак масъулият билан ёндашиш, жамиятда умумэтироф этилган одоб-ахлоқ нормаларига сўзсиз амал қилиш туйғусини шакллантириш, ҳуқуқ-тартибот тизими обрўсига салбий таъсир кўрсатувчи низоли вазиятларни юзага келтирмаслик каби ғоят муҳим мақсадларни ўз ичига олади. Мазкур қарорга кўра, Кодексда белгиланган қоида ва талабларни ҳар бир ходим билиши, сўзсиз амал қилиши мажбурий ҳисобланиб, бу, ходимнинг хизмат фаолияти самарадорлигини баҳолашнинг асосий мезони этиб белгиланган. Қайд этилишича, амал қилмаслик ёки уларни қўпол равишда бузиш ходимни ички

ишлар органларидан хизматдан бўшатишгача бўлган интизомий жазо чорасини қўллаш учун асос бўлади. Тузилмаимизда Маънавий-маърифий ишлар ва кадрлар билан таъминлаш департаменти ташкил этилганлиги ҳам муҳим янгилик бўлдики, бу билан хизматга қабул қилиш бўйича номзодларни танлашнинг адолатли, ҳолис ва шаффоф тизимини яратиш ва бу борада бюрократик тўсиқларни бартараф этиш, маънавий-маърифий ишларни "таълим муассасасидан—хизматнинг охирига қадар" тамойили асосида узлуксиз ташкил этиш каби фаолиятимиз самарадорлигини оширишга қаратилган қатор таъсирчан ғоялар татбиқ этилмоқда. Шунингдек, ички ишлар органларида истиқболли ёш раҳбар кадрлар захирасини шакллантиришнинг янги тизимини жорий этиш, инсон омилни истисно этиш ҳамда коррупция ҳолатларининг барвақт олдини олиш, шахсий таркиб ва уларнинг оила аъзоларини ижтимоий ҳимоя қилиш тизимини замон талабларига мос равишда тўлиқ

рақамлаштиришга эътибор қаратилиши кўзда тутилаёттир. Ушбу ҳужжатда орган ходимларининг ҳаёти ва фаолиятида муҳим ўрин тутувчи янгиликлардан яна бири—кадрлар масаласидаги такомиллашув, яъни ходимларнинг ўқув-малакавий салоҳиятини оширишга қаратилган чора-тадбирлар белгиланган. Масалан, ҳудудий ички ишлар органлари эҳтиёжини инobatта олиб эндиликда Ички ишлар вазирлигининг академик лицейлари битирувчилари учун Ички ишлар вазирлиги Академиясида бакалавриятнинг "Ҳуқуқбузарликлар профилактикаси фаолияти" ва "Тезкор-қидирув фаолияти" таълим йўналишларига, тўлов-контракт асосида ўқитишни назарда тутган ҳолда, 200 нафаргача қўшимча ҳар йиллик қабул квотаси киритилади. Шунингдек, ички ишлар органларига хизматга биринчи марта қабул қилинган ходимлар Ички ишлар вазирлиги Малака ошириш институтида уч ойлик бошланғич касбий тайёргарлик курсларини муваффақиятли тамомлаганидан сўнг тегишли лавозимга

тайинланади. Ички ишлар вазирлиги академик лицейларининг фан номзоди ёки фалсафа доктори (PhD), шунингдек, фан доктори ёхуд фан доктори (DSc) илмий даражаларига, профессор ёки доцент илмий унвонларига эга бўлган кафедра бошлиқлари меҳнатга ҳақ тўлаш шартларига кўра, олий таълим муассасасининг кафедра бошлиғи (мудир)га тенглаштирилади. Жамоатчилик назорати тизимини яратиш мақсадида Ички ишлар вазирлиги ва унинг ҳудудий бўлинмаларида жамоатчилик асосида доимий фаолият юритувчи маслаҳат-кенгаш органи ҳисобланган, соҳа олимлари, фахрийлари ва журналистлардан иборат жамоатчилик кенгашлари тузилиши ҳамда уларнинг асосий вазифалари аниқ белгиланди. Юқоридаги янгиликларни фаолиятимизга татбиқ этиб, халқимизни рози қилиш бош мақсадимиздир. **Элёр ОХУНОВ,** туман ички ишлар бўлими бошлиғининг маънавий-маърифий ишлар бўйича ўринбосари, майор.

Расулulloх (с.а.в.) хадисларидан



Аллоҳнинг зикри қалблар шифосидир. Анас (розияллоху анху) дан Дайлабий ривояти.

Дин енгилдир. Бирор киши дин билан беллашса, яъни чуқур кетиб, тоқатидан юқорисини талаб этса, албатта, енгилади. Абу Хурайра (розияллоху анху) ривояти.

Ким Аллоҳни Раббим деб, Исломни диним деб, Муҳаммадни (алайҳиссалом) Расулим деб рози бўлса, имон таъмини тотибди. Аббос ибн Абдулмуталлиб (розияллоху анху)дан Термизий ривояти.

Рамазонда Аллоҳни зикр қилувчи кечирилгандир. У ойда Аллоҳдан сўровчи нумид бўлмайди. Умар (розияллоху анху) дан Байҳақий ривояти.

Бир гуноҳ борки, мағфират қилинади. Яна бири борки, кечирилмайди. Яна бошқа бири борки, жазога тортилади. Мағфират қилинадигани—ўзинг билан Раббинг ўртасидаги амалинг. Кечирилмайдигани—Аллоҳга ширк келтиришинг. Жазога тортиладигани—биродарингга зулм қилганингдир. Табароний ривояти.

“2002 ҳадис”дан. (Ҳадиси шарифларда обод-ахлоқ зикри). “Мунир” нашриёти. Тошкент—2022 йил.

Saboq bekati

Оз-оздан ўрганиб доно бўлур, Қатра-қатра йиғилиб дарё бўлур. Алишер НАВОИЙ.

Навоий ҳикматларидан

Кўнгул дуржи ичра гуҳар сўздурур...

Ватан таркини бир нафас айлама, Яна ранжи ғурбак ҳавас айлама.

Даврон элининг жисмида ҳам жон бўлғил, Ҳам жонларига мояи дармон бўлғил.

Неким ўз қошингда эрур нораво, Улусқа они кўрма асло раво.

Нафъинг агар халққа бешак дурур, Балки бу нафъ ўзингга кўпрак эрур.

Ҳар ғанийки, тириклигида эҳсонидин кўнгулларни шод қилмағай, ўлганидин сўнг ани кимса дуо билан ёд қилмағай.

Кимгаки иш бўлди қаноат фани, билки, ани қилди қаноат ғаний.

Ишда ошиққан кўп тойилур, Кўп тойилгон кўп йиқилур.

Ҳар кимсаки айламас ошуқмоқни хаёл Япроқни ифак қилур, чечак баргини бол.



Боқмаса деҳқон чаманин туну кун, Нақл тарин онгла куруғон ўтун.

Ҳақ йўлида ким сенга бир ҳарф ўқутмиш ранж ила, Айламак бўлмас адо онинг ҳақин юз ганж ила.

Сўздурки, нишон берур ўлукка жондин, Сўздурки, берур жонга

хабар жонондин, Инсонни сўз айлади жудо ҳайвондин, Билким, гуҳари шарифроқ йўқ ондин.

Кўнгул дуржи ичра гуҳар сўздурур, Бошар гулшанида самар сўздурур.

Оқил чин сўздин ўзгани демас, Аммо барча чинни ҳам демак—оқил иши эмас.

Кўнгул махзанининг қулфи тил ва ул махзаннинг калидин сўз бил.

Сўзни кўнгулда пишқормагунча тилга келтурма, Ҳар неким кўнгулда бор—тилга сурма.

Оғизга келганни демак нодоннинг иши, Олиға келганни емак ҳайвоннинг иши.

“Тафаккур гулшани”дан. Ғафур Ғулом номидаги Адабиёт ва санъат нашриёти. Тошкент—1989 йил.



Қиш суверати

Ақл-ақлдан қувват олар

ОДОБИНГ-ОБРЎЙИНГ

“Одоб—олтиндан қиммат”, “Осмон—офтоби билан, одам—одоби билан”, “Яхши фазилатинг—зебу зийнатинг”, “Одоб—кишининг зеб-зийнати”, “Одобли киши—зийнатли, зийнатли киши—иззатли”, “Ақл—ёшдан, одоб—бошдан”, “Бола азиз, одоби ундан азиз”, “Одобли бола оламга манзур”, “Одобли—элда азиз”, “Одоб бозорда сотилмас” (“Тап-тайёр одобни бозордан пулга сотиб олиб бўлмайди. Одобга ёшликданок ўрганиб, кўни-

киб, уни улғайган сари камол топтириб бориш керак”, дейилмоқчи). Айш, Навоий, неча дилкашдурур, Лек адаб бирла ҳаё хушдурур; Ҳаёву адаб бирла тузгил маош, Яна айла таъзиму хурматни фош! Не эл ёри бўлсанг, алар ранги бўл, Нечук борсанг, тутқил ул сори йўл!

(Навоий). “Ҳикматнома”дан. Тошкент—1990 йил.

Фаргона нефтни қайта ишлаш заводи масъулияти чекланган жамияти бино-иншоотларини ёнғин хавфидан сақлаш нечоғли муҳимлигини ҳаммамиз ҳам яхши биламиз. Бу

иштирокида навбатдаги тарғиботни корхонанинг 3-ҳамда 11-цех ишчи-хизматчилари иштирокида ўтказдик.

“Фавқулдда вазиятлар ва ёнғинлар профилакци куни” доирасида



“Фавқулдда вазиятлар ва ёнғинлар профилакци куни” доирасида ХАВФСИЗЛИК ҚОИДАЛАРИГА АМАЛ ҚИЛИШ ҲАММАНИНГ БУРЧИ

борада ишчи-хизматчилар орасида хавфсизлик қоидаларини кенг тарғиб қилишнинг аҳамияти каттадир. Яқинда биноларда ёнғин хавфсизлигини таъминлашни ташкил этиш бўлими шахсий таркиби

каси куни” доирасида уюштирилган тадбирда содир бўлиши мумкин катта ва ўзига хос ёнғинлар, табиий ва техноген тусдаги фавқулдда вазиятлар юзга келган вақтларда корхонамизнинг ишчи-хизматчилари қандай тартибда ҳаракат қилишлари кераклиги амалий тарзда кўрсатилди.

Бундай фавқулдда вазиятлардан Яратганининг ўзи асрасин. Аввало энг катта бойлик ҳисобланган инсонлар хотиржамлиги ва саломатлигига, қолаверса, моддий бойликларга хавф туғдирувчи ўт балосидан асраш учун биз, соҳа мутахассислари барча имкониятлардан фойдаланиб, корхонамиз тарққиёти учун ҳисса қўшамиз. Ишонамизки, биз олиб бораётган тадбирлар ишчи-хизматчиларимизнинг бу борада эҳтиёткорлигини оширишга хизмат қилади. Тўлқинжон ОТАЖОНОВ, ФНҚИЗ МЧЖ биноларида ёнғин хавфсизлигини таъминлашни ташкил этиш бўлими катта инспектори, капитан.



Билиб қўйган маъқул

САБЗИ

(Давоми. Боши ўтган сонда). Сабзи болаларнинг шамоллаш, грипп ва бошқа юқумли касалликларга қарши курашиш қобилиятини оширади. Шу сабабли улар сувчечак, қизамиқ каби юқумли касалликларга чалинганида сабзи ширасини кўп ичишлари лозим. Сабзи қувватсиз болалар парваришида ҳам катта ёрдам беради. Шу боис ҳомиладор аёллар кунора бир пиёла сабзи шарбати ичиши ёки ҳар куни 1-2 та сабзи ейиши мақсадга мувофиқ. Эмизикли аёллар учун ҳам сабзи жуда фойдали. Сабзи она сутини кўпайтиради, сутни дармондориларга, темир ва калцийга тўйинтиради. Таркибида кўп йод борлиги учун сабзи буқоқ касалигига шифодир. Наҳорда ичилган сабзи шарбати гижжани туширади. “Ҳидоят” журналидан.

Азиз муштарий! Ҳафтаномамизда улуг аждодларимиз ҳаёти ва ҳикматлари чоп этилаётганлиги учун уни ножоиз ерларга ташламанг!

Publication information including ISSN 2010-9253, publisher details, and contact information for Istiqbol Yo'li.